






Kalkome
15036

III

P








Z B I O R druków procesowych z XVIII. i XIX. w.

Tom II.

Nr. ^{1.} 1. Elsner i Wisogierdowie r.1782.	szt. 1.
" 2. Froelichowie r.1799.	" 3.
" 3. Goldynga r. 1765.	" 2.
" 4. Grabowski i Sieheń etc r,1799.	" 1.
" 5. Grabowscy r. 1799.	" 2.
" 6. de Grothuz i Piótr Książę kurlandz.r.1779	" 1.
" 7. Gruzynski i Podberescy r. 1799.	" 3.
" 8. Haudring i Klüchzner r. 1779.	" 3 .
" 9. Haudringowie i Platerowie r. 1780.	" 2.
" 10. Janowicz i Chodakowscy r. 1799.	" 1.
" 11. Izraelowicz i Radowski r. 1799.	" 2.
" 12. Hryniewicz r. 1774.	" 1.
" 13. Jezuici toruń. i Magistrat toruń. r. 1724.	" 3.
" 14. Jasna Góra i Kłobuck r. 1790.	" 2.
" 15. Jocz i Downarowicz r. 1800.	" 1.
" 16. Kaczanowska i Brzozowski 1799.	" 1.
" 17. Kalenkiewicz r. 1760.	" 1.



2170882 1895. III. 110 30c. 15

STATUS CAUSÆ

Pro Nobilibus & Spectabilibus Prætoribus totq; Magistratu & Tribunis Civitatis Goldingensis. 36

Contra Generosum Ordinem Equestrem Districtus Goldingensis partem appellantem.

Causa super Compatronatu, alias Simultanea per Civitatem cum Nobilitate electione Parochi ad Ecclesiam Goldingensem.

CIVITAS Goldingensis in Districtu Piltinensi Ducatus Curlandiæ existens, ante Annum 1300. à Crucigeris locata, quæ jam propriam jurisdictionem Ecclesiam & Cemeterium in Anno 1361. habuit, teste Arndt: in Chronica Livon: par: 2. quo in tempore Ducatus Curlandiæ nondum in Districtus erat divisus.

Hæcce Civitas in pacifica & nunquam interrupta possessione Ecclesiæ ibidem existentis, & præcipuè Simultaneæ Electionis Parochorum cum Nobilitate Goldingensi permanebat. Nunc primum post ultimariam & simultaneam Electionem Parochi in Anno 1761. & Celsissimo Duci ad rati habendum porrectam, Nobilitas Districtualis in Conventu Provinciali Anni 1763. intulit petita ad Celsissimum Ducem pro amovenda Civitate à compatronatu.

Verum Celsissimus Dux hac in re minimè præcipitando, tantisper petitis Nobilitatis non adhæsit, sed potius Civitatem ad producenda Jura ad compatronatum per mandatum suum vocare jussit: -Vid: Mand- Ducale- Nro 3. fol 199.

Ab hoc tempore cæpta Lis de Jure Compatronatus, quam facilitando Civitas, & Mandatis Celsissimi Ducis obtemperando, jurium suorum expositionem fecit, deducendo ab immemorabili tempore clarum suum petitorium, junctum cum continuo possessorio simultaneæ cum Nobilitate electionis Parochorum.

Nro 4. fol: 201. & seq:

Hanc expositionem Jurium ad electionem Parochorum civitati fervientium, per instrumentum suum Celsissimus Dux Nobilitati communicavit.

Nro 5. fol: Act: 236.

Ad quam respondendo Nobilitas, solum verbaliter intulit: quod ultra Possessorium à Civitate allegatum, nullum aliud jus Civitati ad compatronatum in Petitorio competit.

Nro 6. à fol: 238.

Hanc simplicem allegationem Nobilitatis elidendo Civitas, etiam ad demonstrandum jus suum Petitorium sequentia Documenta exhibuit.

1mo. Quod Ecclesia Parochialis Goldingensis in fundo Civili est erecta.

2do. Quod Sigillum Civitatis nempe Imago Sæ Catharinæ super Valvis Ecclesiæ comperitur.

3tio. Quod hæcce Ecclesia Parochialis à prima sui Ereptione retinet in hucusq; titulum Sanctæ Catharinæ.

4to. Quod Cantor & Organarius per Civitatem locantur & retinentur, quibus mercedem ac mansiones confert Civitas.

A

Prawo pol. 9868.

5to. Provisores Ecclesiæ ex Ordinibus Civitatis eliguntur, & hi coram Magistratu præstant calculum, ab eodemq; quietantur.

6to. Consul Civitatis & Director simultaneus Ecclesiæ cum altero electo per Nobilitatem.

7mo. Servitor Ecclesiasticus cum Campanario à Civitate constituuntur, hisq; Civitas Salarium & Mansiones præbet.

8vo. Civitas maximopere pro Ecclesia contribuit, & hanc combustam sine ulla Nobilitatis ad reædificationem contributione suis sumptibus reædificavit.

9no. Parochus Plebis Villanæ constitutam à Civitate recipit pensionem, possidet Areas Civiles & Mansionem.

10mo. Cives Goldingenses tanquam Concollatores in Ecclesia habent sua scamna & sepulchra.

11mo. Tempore devotionis recommendatio fit à Parocho orationum pro Nobilitate & pro Civitate.

12mo. A Civitate deputati in Visitationibus & Revisionibus Ecclesiasticis assident, suffragiisq; gaudent.

13tio. Ad expensas præsentationis & introductionis novorum Parochorum contribuit eadem Civitas.

Nro 7. à fol: Act: 245. ad 263.

Ex his ac aliis legalibus expositionibus per Civitatem adductis Lege ac Documentis suffultis, latum Decretum. Quo mediante conservata Civitas circa possessionem juris compatronatus eligendorum & præsentandorum Parochorum, reservans actionem nobilitati in Petitorio.

Vid: Decretum Nro 18. à fol: 467.

Huic sententiæ non acquievit Nobilitas, sed ab ea provocavit Civitatem ad Judicium Ducale Aulicum, per extraditas prosecutiones. à fol: Act: 187.

In quo Judicio Civitas tanquam in materia spiritali, & ad Consistorium Ducale pertinenti, declinavit forum concludendo remissionem hujus causæ ad Judicia Consistorialia. Judicium resolvendo exceptionem per Decretum, parti ulterius suo coram Judicio hac in Causa procedere mandavit fol: in Act. 30. §. Quamvis.

In obsequium hujus sententiæ interlocutoriæ Civitas reproduxit sua Jura sustinendo Jus Patronatus in Petitorio, ac ejus antiquissimam possessionem.

A fol: Act: 35. ad 67. §. nobilis

Econverso Nobilitas reassumptis suis anterioribus nudis illatis, traxit se ad sufficientiorem deductionem Actionis suæ, per documenta quasi in Archivo Ecclesiastico reperibilia. Quorum comportatio per Decretum fuit injecta fol: Act: 147.

Sed cum & iisdem documentis nil planè adversus jura Civitatis deducere potuit Nobilitas, lata sententia conservans Civitatem circa Jura compatronatus etiam in Petitorio. fol: Act. 172. ad fol: 181.

Cum & in hoc Judicio non invenit Nobilitas favore sui decisionem talem, qualem sibi optabat, temeraria lite exquirere eam in Judicio Sæ Mtis D. N. C. proposuit, interpositâ à supra præfacto Decreto Appellatione, & per Judicium admissâ.

Sed magis aberravit in proposito suo, nam in hoc Judicio assequi id non potest, quod apertè Legibus ac Justitiæ est contrarium.

Illegitimè ac injustè negavit Civitati Nobilitas Jus præsentandi, ac possessionem simultaneæ Electionis Parochi, quoniam incontra ab

ævo & ultra, documentis deduxit Civitas, tum præsentationibus incipiendo ab Anno 1700. superante tempus quadragenarium, quo elapso juxta Legem Canonicam etiam Juris Patronatus præscriptio obstat. Quemadmodum.

1700. Per Nobilitatem & Civitatem electos ex duobus præsentatis unum Parochum confirmavit Celsissimus Dux Curlandiæ Lit: A. fol: 217.

1724. Similis Confirmatio à Celsissimo Duce ex electis per Nobilitatem & Civitatem unius Parochi Lit: B. fol: 219.

1732. Tertia Confirmatio. Litt: C. fol: 220.

1754. Quarta similis ex porrectis electis per Nobilitatem & Civitatem unius Parochi à Celsissimo Duce confirmatio, Lit: D. à fol: Act. 221.

1761. Quinta similis Confirmatio Lit: E. fol: 223.

Eodem Anno Sexta similis confirmatio ex præsentatis, unius Parochi Lit: F. à fol: Act: 224.

His probationibus, non tantum indubitatum Jus, sed & possessio simultaneæ Præsentationis Parochorum per Civitatem justificata, fulcitur insuper superius expressis circumstantiis favore Civitatis expositis. Jam possessionem suam Civitas stabilivit in Judiciis appellationis, & sufficientissimis probavit Documentis, quæ & ad præsens in Judicio Sæ Mtis pro firmandis Decretis utrisq; reproducuntur.

In Anno 1470. ex Privilegio Crucigerorum palam constat, quod Civitas habuit Jus compatronatus, dum junctim cum commendatore habuit facultatem distribuendi fundos Ecclesiasticos fol: Act: 501. S. Loca libera.

Pro 2do. per Pacta subjectionis Anni 1561. conservatæ Civitates circa Jus compatronatus in verbis: „ Dedimus præterea fidem ficut & præsentibus Literis sanctè damus recipimus atq; promittimus. Nos tam Principi ipsi, quam Civitatibus aliis vel subditis suis cujuscunq; Ordinis vel Status fuerint liberum usum religionis cultusq; Divini & receptorum Rituum, Secundum Augustanam, confessionem in suis Ecclesiis, totiusq; rei Ecclesiasticæ integram administrationem, sicut eam hactenus habuerunt, liberè permissimus, nec in eo ullam mutationem facturos, neq; ut ab aliis fiat permissuros.

Pro 3tio Decisionibus Commissorialibus.

1ma 1642. Art. 1. in verbis: „ Quo ad Jus Compatronatus, servabitur laudum Publicum Anni 1618. & intuitu assumptionis & dimissionis Ministrorum Ecclesiæ, modus talis in omne ævum obtinebit, ut scilicet in casu, quo Officium quoddam Ecclesiasticum penes Ecclesias tales vacans foret, quæ ab Illustritate sua conjunctim cum iis ex Nobilitate, & aliis indigenis ad quod id spectat ædificandæ & conservandæ veniunt, nemo ab Illustritate sua, vel ejusdem Hæredibus & Successoribus vocetur & assumatur, nisi &c. &c. In quem finem vocandus, ante omnia coram sua Illustritate, ac porro coram universo Cætu concionando specimen sui præbebit, ac si contra ejusdem doctrinam & vitam nihil gravius monendum, verum ipse Nobilibus Parocianis & reliquis interessantibus placeret, ad Superintendentem & Ministerium pro fubeundo examine mittetur &c.

2da Decisione Commissionis Reipublicæ 1717. ad gravamen 24. cujus hæc sunt verba: „ Ne in futurum Illustrissimus Princeps ejusq;

„ in Feudo Successores Jus Patronatus Nobilium & Civitatum contra Laudum publicum de Anno 1684. violaret. &c. Autoritate Sæ Ræ Mtis & Reipublicæ premonemus & inhibemus

Quam Decisionem præoccupavit quærela ipsiusmet Nobilitatis agnoscentis Jura Patronatus Civitatibus competere in gravamine quinto, Anno 1684. in Verbis: „ Vigore primorum Pactorum provisionis „ horum Ducatum Curlandiæ & Semigalliæ integra administratio „ totius rei Ecclesiasticæ Civitatibus & Ordini Equestri competat &c. „ prout ex antiquis recessibus, ut & ex laudis publicis 1618. & 1636. „ patet, id quod non observatur.

Ex his clarè patet proprietas Civitatis tuentis Compatronatum, quam Suffragando Lege ac circumstantiis, deducitur ex Canonibus, quod Compatronatus acquiritur tribus modis, Dotatione, Ædificatione, sive etiam Reædificatione, & fundi concessione, hæc omnia adimplevit Civitas. Quoniam ad dotem junctim cum Nobilitate pro Alimentis Parochi contribuit, Organarium, Cantorem, aliosq; servitores Ecclesiæ sola Civitas pensionat, quod probatur Visitationibus Ecclesiæ.

Ad ædificationem nihil quidquam contulit Nobilitas, nam Ecclesia hæc, non tantum per Civitatem primitivè erecta, sed dum tempore belli fuit combusta, suis sumptibus Civitas eandem reædificavit. Documenta horum sunt, tam Privilegia Anni 1630. fol: Act: 532. quam Visitationes Ecclesiasticæ Annorum 1623. 1624. 1650. 1673. à fol: Act. 502. ad 522.

Demum in Anno 1712. Civitas junctim cum Nobilitate Organa in Ecclesia construere mandavit, quod apparet ex Contractu Lit: D. fol: Act: 527.

Super fundo nulla Controversio fieri potest, nam sicuti Ecclesia in Civitate ædificata, re ipsa quod non in Nobilitari sed in Civili fundo est erecta.


Cum & his tribus modis, quibus Jus Patronatus legitimum acquiritur, probavit Civitas, justum proinde est Decretum Civitatem in Petitorio conservans. Et quoniam ex definitione Juris, Jus Patronatus non solum est onerosum, verum etiam honorificum, & horum est particeps Civitas, sustinet onera in reparanda Ecclesia, pensiones Annuas Servitoribus Ecclesiæ & Parocho solvit. Habet honorificentiam per ipsas præsentationes simultaneas cum Nobilitate. Ex recommendatione per Parochum Populo Orationis pro Magistratu tempore Devotionis. In super per consistentia in Ecclesia Scamna & Sepulchra Civium, de quo testantur Acta à fol: 523. ad fol: 527.


Itaq; nullo dubio subjacens compatronatus Civitatis tam apertissimis probatur Documentis, ac binis conformibus comprobatur sententiis, nullam prorsus reliquit viam, ulterius Nobilitati agendi, & ad Judicium præsens provocandi. Quapropter id rectè Civitas Golding:

S U P P L I C A T.

Sententias utrasq; Judicii Ducalis, tanquam Juri & Justitiæ conformes approbari Gsum Ordinem Equestrem Districtus Goldingensis pro indebita appellatione in omnibus damnis & Litis expensis mille Thaleros excedentibus condemnari, partesq; pro executione ejusmodi Decreti ad idem Judicium remitti.

po. 1761





Biblioteka Jagiellońska



star0025902

